



TOSHKENT DAVLAT YURIDIK UNIVERSITETI REKTORINING B U Y R U G ' I

22.10.2024

691-tm-son

Toshkent davlat yuridik universiteti 1-kurs talabalari o'rtasida tanlov tashkil etish va o'tkazish to'g'risida

Toshkent davlat yuridik universiteti (bundan buyon matnda – TDYU) rektorining 2022-yil 17-fevraldagi “Toshkent davlat yuridik universitetida ma'naviy-ma'rifiy ishlarni tizimlashtirish hamda talabalarning iqtidor va iste'dodlarini aniqlashni yangi bosqichga olib chiqish to'g'risida”gi 36-um-son buyrug'ida belgilangan vazifalar ijrosini ta'minlash, shuningdek “VERUM LAW FIRM” advokatlik firmasining 18.09.2024-yildagi 05/09-son xatiga muvofiq hamda iqtidorli talabalar safini kengaytirish, ularga keng imkoniyat yaratish, munosib qo'llab-quvvatlash maqsadida

B U Y U R A M A N:

1. “Verum law firm” advokatlik firmasining Toshkent davlat yuridik universiteti bilan hamkorlikda 1-kurs talabalari o'rtasida “Huquq bilimdoni” tanlovini (bundan buyon matnda – tanlov) o'tkazish to'g'risidagi taklifi qabul qilinsin.

2. Tanlovni o'tkazish to'g'risidagi Nizom va tanlov komissiyasi tarkibi ilovaga muvofiq tasdiqlansin.

3. TDYU Yuridik klinika rahbari (O.Narziyev) ushbu tanlovni yuqori saviyada o'tkazilishini ta'minlasin.

4. Jamoatchilik va OAV bilan aloqalar bo'limi (J.Haydarov) tanlovning o'tishi va natijalarini OAVda hamda universitetning ijtimoiy tarmoqlardagi sahifalari orqali yoritilishini ta'minlasin.

5. Tanlovni o'tkazish uchun test sinovlarini tashkil etish O'zbekiston Respublikasi Oliy ta'lim, fan va innovatsiyalar vazirligi huzuridagi Bilim va malakalarni baholash agentligini jalb qilgan holda o'tkazilishi ma'lumot uchun qabul qilinsin.

6. Fakultet dekanlari:

mazkur tanlovda ro'yxatda o'tgan 1-kurs talabalarining imtihon jarayonlarida qatnashish maqsadida dars jarayonlarid an ozod qilinishini

ta'minlasin;

7. Mazkur buyruq ijrosini nazorat qilishni o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Professor (fan doktori yoki fan doktori (Doctor of Science) ilmiy darajasiga yoki xorijiy davlatlarning unga tenglashtirilgan boshqa ilmiy darajalarga va professor ilmiy unvoniga ega bo'lgan))

O.NARZIYEV



Kelishildi:

Devonxona mudiri

N.ERGASHEV



Dekan (fan doktori yoki fan doktori (Doctor of Science) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki professor ilmiy unvoniga ega bo'lgan)

D.UMARXANOVA



Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

D.KAMALOVA



Dekan (fan doktori yoki fan doktori (Doctor of Science) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki professor ilmiy unvoniga ega bo'lgan)

SH.SAYDULLAYEV



Dekan (fan doktori yoki fan doktori (Doctor of Science) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki professor ilmiy unvoniga ega bo'lgan)

B.MUSAYEV



Katta yuriskonsult

A.TURSUNOV



Moliya-iqtisod ishlar bo'yicha prore

A.IMINOV



*TDYU rektorining 22.10.2024-yildagi
691-tm-son buyrug'iga 2-son ilova*

**“Verum law firm” advokatlik firmasi bilan hamkorlikda Toshkent davlat
yuridik universiteti 1-kurs talabalari o'rtasida “Huquq bilimdoni” tanlovini
o'tkazish bo'yicha komissiya a'zolari**

RO'YXATI

| № | Ism familyasi | Bo'lim (kafedra) nomi |
|----------|----------------------|--|
| 1. | Otabek Narziyev | Yuridik klinika rahbari |
| 2. | Aygerim Aripbayeva | Yuridik klinika xodimi |
| 3. | Akmal Sodikov | DHN kafedrasi dotsenti |
| 4. | Maksudboy Sadikov | DHN kafedrasi katta o'qituvchisi |
| 5. | Umid Sobirov | Konstitutsiyaviy huquq kafedrasi o'qituvchisi |

TDYU rektorining 22.10.2024-yildagi
691-tm-son buyrug'iga 1-son ilova

**Toshkent davlat yuridik universitetining 1-bosqich talabalari o'rtasida
tanlovni o'tkazish va tanlov g'oliblariga 2024-2025 o'quv yili uchun ta'lim
kontraktini to'lab berish tartibi to'g'risida**

NIZOM

I. Umumiy qoidalar

1.1. Mazkur Nizom Toshkent davlat yuridik universiteti (TDYU) birinchi bosqich talabalari o'rtasida tanlovni (keyingi o'rinlarda – Tanlov) o'tkazish va tanlov g'oliblariga 2024-2025 o'quv yili uchun ta'lim kontraktini to'lab berish tartibini belgilaydi. Ushbu tanlov TDYU rektorining 2024-yil _____ - sonli buyrug'i hamda «VERUM LAW FIRM» advokatlik firmasi (keyingi o'rinlarda – Advokatlik firma) boshqaruvchi hamkorining 2024 yil 30-sentabrdagi 3-sonli buyrug'iga muvofiq amalga oshiriladi.

1.2. Tanlovning asosiy maqsadi O'zbekiston Respublikasi Prezidentining "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi Farmoni ijrosini ta'minlash, shuningdek, iqtidorli talabalar safini kengaytirish, ularga keng imkoniyat yaratish hamda munosib qo'llab-quvvatlash maqsadida yurisprudensiya sohasida professional kadrlar tayyorlashga hissa qo'shishdan iborat.

1.3. Tanlovning asosiy vazifalari:

- talabalar va aholida huquqiy ong va huquqiy madaniyatni targ'ib qilish;
- yurisprudensiya sohasida tegishli kasbiy ko'nikmalar va kompetensiyalarni egallashga ko'maklashish;
- aholining huquqiy ta'limga e'tiborini jalb etish;
- yoshlarni rag'batlantirish orqali ta'lim jarayonlariga keng jalb etish;
- TDYU hamda "Verum law firm" advokatlik firmasi o'rtasidagi hamkorlikni rivojlantirish.

1.4. Tanlov test sinovlari asosida o'tkaziladi.

1.5. Tanlovda o'zbek va rus tillarida "Yurisprudensiya" yo'nalishi bo'yicha kunduzgi ta'lim shaklida tahsil olayotgan 2024-2025 o'quv yilida 1-bosqichga qabul qilingan talabalar (keyingi o'rinlarda – Ishtirokchilar) ishtirok etishi mumkin.

Shuningdek, quyidagi talabalarning tanlovda ishtirok etishlariga yo'l qo'yilmaydi:

- imtiyoz asosida qabul qilingan talabalar (harbiylar, bojxona xizmati hamda ichki ishlar organlari xodimlarining farzandlari va boshqalar);
- davlat grantlari asosida o'qishga qabul qilingan talabalar;
- tabaqalashtirilgan to'lov-kontrakti (super-kontrakt) asosida o'qishga qabul qilingan talabalar;

- respublika va xalqaro fan olimpiadalarida sovrinli o‘rinlarni qo‘lga kiritib talabalikka tavsiya etilgan talabalar.

1.6. Tanlov TDYU va Advokatlik firma xodimlaridan tashkil topgan tanlov komissiyasi (keyingi o‘rinlarda – Komissiya) tomonidan o‘tkaziladi, uni tashkil etish tartibi mazkur Nizom bilan belgilanadi.

1.7. Tanlov g‘oliblari uchun birinchi, ikkinchi va uchinchi o‘rinlar belgilangan.

Tanlov g‘oliblari Komissiya qarori bilan aniqlanadi. Komissiya qaroriga Bilimni baholash agentligi tomonidan o‘tkazilgan test natijalari asos bo‘ladi.

1.8. Tanlov g‘oliblarini rag‘batlantirish advokatlik firmasi mablag‘lari hisobidan amalga oshiriladi.

II. Tanlovni tashkil etish va o‘tkazish tartibi

2.1. Tanlovni tashkil etish va o‘tkazish Komissiya tomonidan mazkur Nizomda belgilangan tartibda amalga oshiriladi. Komissiya tarkibi TDYU rektori va Advokatlik firmasi boshqaruvchi hamkorining buyrug‘lari bilan tasdiqlangan TDYU hamda Advokatlik firmasi xodimlaridan iborat bo‘ladi.

2.2. Komissiya quyidagi funksiyalarni bajaradi:

- Ishtirokchilarga Tanlov va uning o‘tkazish tartibi haqida ma’lumot beradi;
- Tanlovda ishtirok etish uchun kelgan murojaatlarni ro‘yxatdan o‘tkazadi va ko‘rib chiqadi;

- Tanlov ishtirokchilarini tanlaydi;
- Tanlovni o‘tkazishni tashkil etadi;
- Bilimni baholash agentligi tomonidan o‘tkazilgan test natijalariga asosan tanlov g‘oliblarini aniqlaydi;

- Tanlov va uning natijalarini ommaviy axborot vositalarida yoritish ishlarini muvofiqlashtiradi;

Mazkur Nizom talablari tanlov ishtirokchilari tomonidan bajarilmagan taqdirda, Komissiya ushbu ishtirokchini test sinovlarida qatnashishdan chetlatish huquqiga ega.

2.3. Tanlovni moliyalashtirish va tashkiliy ishlarni muvofiqlashtirish Advokatlik firmasi tomonidan amalga oshiriladi.

III. Tanlovni o‘tkazish

3.1. Tanlovni o‘tkazish ikki bosqichdan iborat: ishtirokchilarni saralash va test sinovlarini o‘tkazish.

3.2. Komissiya Tanlov o‘tkazilishi haqida tegishli ma’lumotni TDYU rasmiy saytida va Advokatlik firmasi va TDYU ijtimoiy tarmoqlaridagi sahifalarida joylashtirish orqali e’lon qiladi.

3.3. Tanlovda ishtirok etish uchun ishtirokchi tanlov e’lon qilingan davrda “Google Forma” anketasini to‘ldirish orqali Komissiyaga murojaat qoldiradi va o‘z

navbatida O‘zbekiston Respublikasining “Shaxsga doir ma’lumotlar to‘g‘risida”gi qonuniga muvofiq o‘z ma’lumotlarini qayta ishlashga rozilik beradi.

Anketaga havola Advokatlik firmasi va TDYU ijtimoiy tarmoqlaridagi rasmiy sahifalarida joylashtiriladi.

Saralashdan o‘tish uchun ishtirokchilar Advokatlik firmasining quyidagi ijtimoiy tarmoqlardagi rasmiy sahifalariga obuna bo‘lishi zarur:

- Facebook; <https://www.facebook.com/Verumlf.uz/>
- Telegram; https://t.me/verumlf_uz
- LinkedIn; <https://www.linkedin.com/company/verum-law-firm-uzbekistan>
- Youtube; https://www.youtube.com/@verumlf_uz
- Instagram; [verumlf_uz](https://www.instagram.com/verumlf_uz)

Код поля изменен

Код поля изменен

Код поля изменен

Код поля изменен

3.4. Komissiya advokatlik firma va TDYU ijtimoiy tarmoqlaridagi rasmiy sahifalarida Tanlovda ishtirok etishga ruxsat berilgan ishtirokchilar ro‘yxatini e‘lon qiladi.

3.5. Tanlov O‘zbekiston Respublikasi Oliy ta’lim, fan va innovatsiyalar vazirligi huzuridagi Bilim va malakalarni baholash agentligida (keyingi o‘rinlarda agentlik deb nomlanadi) o‘tkaziladi. Test sinovlarini xolis va adolatli o‘tkazish bo‘yicha to‘liq mas’uliyat agentlik zimmasida bo‘ladi.

Tanlovning aniq joyi va sanasi haqida ma’lumot TDYU va Advokatlik firmasining ijtimoiy tarmoqlaridagi rasmiy sahifalarida oldindan e‘lon qilinadi.

3.6. Tanlovda ishtirok etish uchun test sinovlariga shaxsni tasdiqlovchi hujjat (ID karta yoki pasport) mavjud bo‘lgandagina kiritiladi.

3.7. Test sinovlari Tanlov ishtirokchilarining maktab dasturlarini o‘zlashtirish jarayonida yurisprudensiya sohasi bo‘yicha olgan bilimlarini tekshirishdan iborat.

3.8. Test sinovlari agentlik tomonidan belgilangan Nizom asosida o‘tkaziladi.

3.9. Tanlov ishtirokchilarini baholash Komissiya tomonidan amalga oshiriladi, bunda har bir to‘g‘ri javob uchun 3,1 ball beriladi. Testlar 30 ta savoldan iborat bo‘lib, maksimal ball 93 ballni tashkil etadi.

3.10. Agentlik test natijalarini shaffof tarzda e‘lon qilinish majburiyatini oladi.

Agar test natijalariga ko‘ra bir nechta ishtirokchi bir xil ball to‘plagan bo‘lsa, Tanlov g‘olibi Komissiyaning qarori asosida quyidagi ustuvorliklar bo‘yicha aniqlanadi:

1) Universitetga kirish imtihonlarida “majburiy fanlar” (ona tili, o‘zbekiston tarixi va matematika) bo‘yicha to‘plangan ballari;

2) Xorijiy til (tillarni) bilish darajasini belgilovchi milliy va xalqaro tan olingan sertifikat (sertifikatlar) ko‘rsatkichi (ball);

3) umumiy o‘rta ta’lim shahodatnomasidagi baholar ko‘rsatkichi.

Bu holda, ustuvorliklar qat’iyan navbatma-navbat qo‘llaniladi, ya’ni agar 1-ustuvorlik bo‘yicha ballar teng bo‘lsa, 2-ustuvorlik ko‘rib chiqiladi.

Komissiyaning Tanlovni o‘tkazish natijalari bo‘yicha qarori yakuniy hisoblanadi va unga e’tirozlar qabul qilinmaydi.

IV. Tanlov g'olibi va sovrindorlarini e'lon qilish

4.1. Tanlov g'oliblarini e'lon qilish va mukofotlash tartibi TDYU va Advokatlik firmasi tomonidan belgilanadi.

4.2. Tanlov g'olibi va sovrindorlariga 2024-2025 o'quv yili to'lov-kontraktlarini qoplash maqsadida quyidagi pul mukofotlari va sertifikatlar taqdim etiladi:

I – o'rin 100% kontrakt to'lovi (16 695 000 so'm);

II – o'rin 75% kontrakt to'lovi (12 521 250 so'm);

III – o'rin 50% kontrakt to'lovi (8 347 500 so'm).

g'oliblar sertifikatining to'lovi Advokatlik firmasining hisob raqamidan TDYU hisob raqamiga pul o'tkazish orqali amalga oshiriladi.